



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-1-40-113-5/26**

Datum: **29.04.2026. godine**

«Agencija za vodno područje rijeke Save» Sarajevo, rješavajući po zahtjevu Službe za urbanizam, imovinsko-pravne, geodetske poslove i katastar nekretnina Grada Visoko za donošenje rješenja o prethodnoj vodnoj saglasnosti za aktivnost – prelaz gasovoda preko rijeke Bosne vješanjem cjevovoda na konstrukciju postojećeg mosta koji povezuje naselja Moštre i Poriječani, a u postupku izdavanja urbanističke saglasnosti za izgradnju distributivne gasne mreže i regulacione stanice za naselja Donje Moštre, Gornje Moštre i Poriječani, grad Visoko, po zahtjevu JP «Visoko Ekoenergija» d.o.o. Visoko, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o prethodnoj vodnoj saglasnosti**

1. JP «Visoko Ekoenergija» d.o.o. Visoko, daje se prethodna vodna saglasnost za aktivnost – prelaz gasovoda preko rijeke Bosne vješanjem cjevovoda na konstrukciju postojećeg mosta koji povezuje naselja Moštre i Poriječani izgrađen na dijelu parcela označenih kao k.č. broj: 1826 K.O. Moštre i k.č. broj: 933 K.O. Poriječani, grad Visoko, a u postupku izdavanja urbanističke saglasnosti za izgradnju distributivne gasne mreže i regulacione stanice za naselja Donje Moštre, Gornje Moštre i Poriječani.
2. Ova prethodna vodna saglasnost se odnosi na izgradnju objekata iznad vodotoka I kategorije na trasi predmetnog gasovoda i ne oslobađa podnosioca zahtjeva obaveze pribavljanja prethodne vodne saglasnosti za izgradnju objekata iznad ili u vodotoku II kategorije za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona, u skladu sa članom 139. stav (2) Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
  - 3.1. Da korisnik prethodne vodne saglasnosti osigura izradu tehničke dokumentacije na nivou glavnog projekta na osnovu koje će se vršiti izvođenje radova na polaganju trase gasovoda - ukrštanje sa rijekom Bosnom vješanjem cjevovoda na konstrukciju postojećeg mosta preko rijeke Bosne koji povezuje naselja Moštre i Poriječani u Visokom. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
  - 3.2. Da se predmetna trasa distributivne gasne mreže i prelazak gasovoda preko mosta preko rijeke Bosne na kojem je planirano postavljanje/ovješanje cjevovoda, prikažu na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti planirane trase gasovoda od korita rijeke Bosne, postojećih i planiranih hidrotehničkih objekata ukoliko se takvi nalaze u pojasu polaganja cjevovoda i mjestu prelaza cjevovoda preko rijeke Bosne (zaštitni vodoprivredni objekti, objekti lokalnog kanizacionog sistema i sl.) te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
  - 3.3. U projektnoj dokumentaciji dati detaljan tehnički opis rješenja prelaska gasovoda preko vodotoka sa prikazom načina postavljanja/ovješanja cjevovoda na konstrukciju mosta tako da se ne smanjuje proticajni profil mosta; predmjer radova i odgovarajuće grafičke priloge uobičajene za nivo projekta za građenje.

- 3.4. Način ukrštanja cjevovoda sa postojećim elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
- 3.5. Projektom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Bosne, do podlokovanja temelja stubova, kao i do negativnih uticaja na druge korisnike voda (vodosnabdijevanje, ribarstvo i sl.).
- 3.6. Projektom dokumentacijom definisati način privremenog pa sve do konačnog zbrinjavanja otpadnog i viška iskopanog materijala koji će nastati prilikom predmetne gradnje odnosno postavljanja cjevovoda/gasovoda, vodeći računa da se isti ne smije odlagati na vodno dobro i u vodotok.
- 3.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
5. Po izradi investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.  
Uz zahtjev se prilaže:
  - 6.1. Revidovana investiciono-tehnička dokumentacija urađena u skladu sa uslovima iz dispozitiva ovog rješenja,
  - 6.2. Rješenje o urbanističkoj saglasnosti za izgradnju distributivne gasne mreže i regulacione stanice za naselja Donje Moštre, Gornje Moštre i Poriječani, grad Visoko,
  - 6.3. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1, 2, 3. ili 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

### **Obrazloženje**

Služba za urbanizam, imovinsko-pravne, geodetske poslove i katastar nekretnina Grada Visoko podnijela je ovoj Agenciji dana 26.03.2026. godine zahtjev za donošenje rješenja o prethodnoj vodnoj saglasnosti za aktivnost – prelaz gasovoda preko rijeke Bosne vješanjem cjevovoda na konstrukciju mosta koji povezuje naselja Moštre i Poriječani izgrađenog na dijelu parcela označenih kao k.č. broj: 1826 K.O. Moštre i k.č. broj: 933 K.O. Poriječani, grad Visoko, a u postupku izdavanja urbanističke saglasnosti za izgradnju distributivne gasne mreže i regulacione stanice za naselja Donje Moštre, Gornje Moštre i Poriječani po zahtjevu JP «Visoko Ekoenergija» d.o.o. Visoko.

Uz zahtjev je dostavljena i pregledana sljedeća dokumentacija:

- Ovjereni kopiji Rješenja o izmjenama podataka u sudski registar broj: 043-0-Reg-26-000019 izdatog dana 21.01.2026. godine od strane Općinskog suda u Zenici,
- Ovjereni kopiji Uvjerenja o poreznoj registraciji izdatog dana 11.03.2014. godine od strane

- Porezne uprave Federacije BiH - Kantonalni porezni ured Zenica,
- Mišljenje broj: 04/1-19-2-59/24 o usklađenosti planiranih aktivnosti izgradnje distributivne gasne mreže i regulacione stanice za naselja Donje Moštre, Gornje Moštre i Poriječani, grad Visoko sa Prostornim planom Grada Visoko za period 2014-2034. godina i Strategijom razvoja Grada Visoko za period 2023-2027. godina izdato dana 13.03.2026. godine od strane Službe za urbanizam, imovinsko-pravne, geodetske poslove i katastar nekretnina Grada Visoko,
  - Kopije Katastarskog plana UR broj: 04-26-2-2417/2024 - 3, 5, 7, 8, 9, i 10 izdatih dana 29.11.2024. godine od strane Službe za urbanizam, imovinsko-pravne, geodetske poslove i katastar nekretnina Grada Visoko,
  - Kopija Katastarskog plana UR broj: 04-26-2-593/2026-5 izdatog dana 03.04.2026. godine od strane Službe za urbanizam, imovinsko-pravne, geodetske poslove i katastar nekretnina Grada Visoko,
  - Zemljišnoknjižni izvadak broj: 041-0-NAR-24-023 525 ZK uložak broj: 1325 (K.O. Moštre) izdat dana 02.12.2024. godine od strane Zemljišnoknjižnog ureda Općinskog suda u Visokom,
  - Zemljišnoknjižni izvadak broj: 041-0-NAR-26-004 557 ZK uložak broj: 1637 (K.O. Poriječani) izdat dana 03.04.2026. godine od strane Zemljišnoknjižnog ureda Općinskog suda u Visokom,
  - Studija za izdavanje prethodne vodne saglasnosti za distributivnu gasnu mrežu pritiska P=0.1, (0.2) i 3 bara i regulacione stanice za naselja Donje Moštre, Gornje Moštre i Poriječani (Investitor: JP «Visoko Ekoenergija» d.o.o. Visoko) urađena od strane «PERSPEKTIVA-inžinjering» d.o.o. Visoko (šifra: 107.PVS.PER.IX/24, septembar 2024. godine),
  - Saglasnost za «vješanje» cjevovoda/gasovoda na konstrukciju mosta broj: 08/1-02-4882/26 izdata dana 13.04.2026. godine od strane Službe za infrastrukturu, ekologiju, komunalne i inspeksijske poslove Grada Visoko,
  - Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 31.03.2026. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 01.04.2026. godine u dnevnom listu «OSLOBOĐENJE». U ostavljenim rokovima nije bilo pisanih izjašnjenja o predloženim aktivnostima iz zahtjeva.

Uvidom u dostavljenu Studiju za izdavanje prethodne vodne saglasnosti utvrđeno je da se, u sklopu aktivnosti vezanih za izgradnju gasovodne mreže i regulacione stanice za naselja: Donje Moštre, Gornje Moštre i Poriječani, grad Visoko, planirana trasa gasovodne mreže ukršta sa rijekom Bosnom na jednom lokalitetu, a sa vodotocima Šušnjak, Poriječki potok i Podvinjački potok na 6 lokaliteta.

Ukrštanje gasovoda sa rijekom Bosnom predviđeno je vješanjem PE cjevovoda Ø225 mm na konstrukciju postojećeg betonskog mosta koji povezuje naselja Moštre na lijevoj obali i Poriječani na desnoj obali rijeke Bosne. Predviđeno je da se cijev gasovoda zaštiti čeličnim cjevovodom Ø300 mm ovješanim za most putem čeličnih nosača.

Služba za infrastrukturu, ekologiju, komunalne i inspeksijske poslove Grada Visoko, nadležna za upravljanje predmetnim mostom, dala je saglasnost za planiranu aktivnost - ovjes zaštitne cijevi za konstrukciju postojećeg mosta, uz poštivanje određenih uslova.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj: UP-1/21-1-40-113-3/26 od 20.04.2026. godine.

**UPUTA O PRAVNOM LIJEKU:**


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju  
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «VISOKO EKOENERGIJA» d.o.o. Visoko  
ul Kakanjska br 4, 71300 Visoko
- Grad Visoko, Služba za urbanizam, imovinsko-pravne, geodetske poslove i katastar nekretnina  
ul Alije Izetbegovića br 12 A, 71300 Visoko
- ⊖ AVP Sava, ISV-vodna knjiga
- Sektor 40 - arhiva
- Oglasna ploča - AVP Sava